

MUSIKA. Hiru egunez jazz musikak dituen berezkotasunak ikasteko aukera izango da



EGUNKARIA
Lincoln Center Orkestra, Wynton Marsalis zuzendari artistikoarekin.

Marsalisen Lincoln Orkestrak mintegi bat eskainiko du Gasteizko Jazzaldian

Jaialdiaren 25. urtemuga dela-eta idatzi duen obra ikasleei azalduko die tronpeta joleak

Ivan Santamaria | **GASTEIZ**

Hezkuntza eta heziketa landuko ditu berriro Gasteizko Jazzaldiak aurtan, bere 25. urtemugan. Izan ere, uztailaren 14tik 17ra mintegi bat antolatu da Eusko Jaurlaritzaren, Gasteizko Luis Aranburu Musika Eskolaren eta Jesus Guridi Kontserbatorioaren lankidetzarekin.

Mintegia emango duten musikariak Jazz at Lincoln Center orkestrakoak izango dira, Wynton Marsalis musikariaren zuzendaritza artistikoarekin. Lincoln Center Munduko erakunde artistiko handien artean da, eta bere organigraman Me-

tropolitan Opera House, New York City Ballet eta Julliard School of Music daude. Duela hamar bat urte sortu zuen jazz atala, eta ordutik kontzertu diaktiko ugari eskaini ditu.

Ikasle eta profesionalentzat

Batez ere, EAEko musika ikasleentzako mintegia da. Hala ere, profesionalak ere zabalik dago. Parte-hartzaileak bi arlotan banatuko dira: maila handiena dutenek musika tresnekin ariko dira, eta gainontzekoak entzule moduan parte hartzeko aukera dute. Ikasle aktiboen kasuan, orotara, 135 pertsonentzako tokia dago. Entzule izate-

ko ez da kopururik finkatu. Mintegia abiatu aitzin, kontserbatorio eta musika eskoletan partiturak banatuko dira, ikasleek musika aurretik ezagutu eta mintegia ahalik eta hoberen baliatzeko.

Orkestrako kide bakoitza hiru ikasleekin egongo da, eta antolatzaileen asmoa klaseak banakakoak izatea da. Hots, ikasle bakoitzak gutxienez ordubetez musikarekin trebatzeko parada izatea. Entsegu orokorrak ere egingo dira, eta, Iñaki Añua Jazzaldiko zuzendariak aurreratu zuenez, onenek hurrentzako kontzertuan jotzeko aukera izan dezaten ahaleginduko

dira. «Maila ona ematen badute, kontzertuaren zati batzuetan parte hartzeko aukera ematea aztertzen ari da Marsalis», azaldu zuen Añuak. Aurtan, hurrentzako kontzertua Louis Armstrongi eskainitako oroigarria izango da.

Bestela ere, musikari ospetsuarekin egon ahal izango dira ikasleak. Izan ere, aurtengo urtemuga dela-eta Gasteizko Jazzaldiarentzat idatzi duen piezari buruz mintzatuko zaie Wynton Marsalis. Uztailaren 17an entsegu orokorra egingo du, eta horretan bere musikaren nondik norakoak azalduko ditu.

Ray Anderson tronboi jolearen taldearen emanaldia izango da gaur Gazteszenan

Erredakzioa | **DONOSTIA**

Ray Anderson's Pocket Brass Band jazz taldeak kontzertua emango du gaur Donostiako Egia kultur etxean. Gazteszenaren barruan izango da emanaldia.

EEBBetako Ray Anderson tronboi jole ospetsua da talde-

aren gidaria, eta jazz doinuak eskainiko ditu, Lew Soloff tronpeta jolearekin, Matt Perrine sousafono jolearekin eta Bobby Previte bateria jolearekin batera.

Musikari aparta

Anderson gaur egungo jazz musika interpretatzen duen

tronboi jole entzutetsuena da. Halaber, musika pieza ugari konposatzen ditu.

Umetan hasi zen Ray Anderson tronboia jotzen: «Tronboi joleek ongi pasatzen zutela ikusten nuelako hasi nintzen musika tresna honekin». George Lewis, David Murray, Charles Moffet, Mark Helias, Gerry

Hemingway eta beste hainbat musikarirekin aritu da lanean. Hala, Anthony Braxton, Slickaphonics eta Bass Drum Bone musika taldeetan ibilia da. Batez ere, jazz eta funky doinuak interpretatu ohi ditu.

Pocket Brass Band musika taldeari dagokionez, tradiziozko *marching band* taldearen antzekoa da; hura baino txikiagoa musikarien kopuruaren aldetik. New Orleanseko doinu tradizionalak jotzen ditu.

euskararen
donostia
patronatu

EUSKALTEGIAK

- ALTZA -

Txirrita pasealekua, 23
20017 Donostia - Tel.: 943 400316

- AMARA BERRI AEK -

Gregorio Ordoñez, 7
20011 Donostia - Tel.: 943 474592

Isabel II, 14
20011 Donostia - Tel.: 943 450202

- ANTIGUAKO AEK -

Igeldo pasealekua, 25
La Sirena etxea
20008 Donostia - Tel.: 943 218088

- AZPIL AEK -

Larratxo, 43-45
20017 Donostia - Tel.: 943 393936

- EGIAKO AEK -

Jai Alai aldapa - villa Salia
20012 Donostia - Tel.: 943 282242

- HITZEZ -

Kolon pasealekua, 5 behe
20002 Donostia - Tel.: 943 278155
Faxa: 943 278155

- ILAZKI -

Konstituzio plaza, 5 - 2. a
20003 Donostia - Tel.: 943 424910
Faxa: 943 421608

- GOTZON ALEMAN AEK -

Basotxiki, 23
20015 Donostia - Tel.: 943 289654

- IRRINTZI AEK -

Iztueta, 3 behe
20012 Donostia - Tel.: 943 327611

- LEGAZPI 6 -

Kanpandegi, 1
20003 Donostia - Tel.: 943 424366
Faxa: 943 424366

Guridi, z/g
20008 Donostia - Tel.: 943 219907

- MONPAS -

Migel Imaz, 5 behe
20002 Donostia - Tel.: 943 272711
Faxa: 943 321956

- ULIALDE -

Jose Maria Soroa, 10 behe
20013 Donostia - Tel.: 943 281369

- URRATS -

Katalina Erauso, 21
20010 Donostia - Tel.: 943 465593
Faxa: 943 465593

- URUMEA -

Sanchez Toca, 1 - 1. a
20006 Donostia - Tel.: 943 464655
Faxa: 943 464888

- XIRIMIRI AEK -

Gipuzkoa plaza, 2-2. a
20004 Donostia - Tel.: 943 426466